

Ein kurtz Regiment/

wie sich/ zun zeyten der Pestilenz/ zuhalten sey.

Nach dem jezund
der Allmächtig ewig Gott/

(von vnfers bösen sündigen Lebens wegen) vber vns erzürnt/ vnd etliche inn vnser Nachbarschafft (wie ohne zweyfel ainem yeden kundt vnd zuwissen sein wirdt) mit der grausamen/ erschrocklichen vnd vergifften Kranckhait/ der Pestilenz/ angriffen: auch etliche bayde/ Jung vund Allt/ gählingen vmbbracht vund getödt. Darauf zubeforgen/ vund endlich zugewarten (Gott der Allmächtig aber wölle seinen zorn gnädiglich abwenden) Es möcht von vnsern Nachbarn/ die täglich ab vund zu bey vns wandlen (wie dann gemainlich geschicht / dass ain Mensch von dem andern vergifft würdet) zu vnns erfolgen/ vund weyter greyssen: Danon nit wenig vnrath vnd verwirung Christlicher zucht vund wandels/ auch Perturbation vund vnordnung Burgerlicher händel

A ij

cher handel vnd Gewerbs/ gewislich entsteht
möchte. Solche vnd dergleichen mehr böse
vnd besorgliche zufäll/ als vil möglich sein kan/
abzuwenden/ vnnnd mit gütten mitteln von Gott
dem Allmächtige verordnet/ fürzukommen: Seind
vnser Gnädige vnnnd gebietende Herren/ einer
hochlöblichen Fürstlichen Regierung: auch ein
Fürsichtiger/ Ersamer vnd weyßer Rath allhie/
zū Landtsbütt/ bedacht/ vnnnd mit gutem Rath
entschlossen: Wie dann auch von denselben vn-
sern Gnädigen vnnnd gebietenden Herren zc. mit
den Doctorñ der Arzney gehandelt worden:
Dise ordnung/ wie sich ein yeder in seinem Haus/
vnder seinem Gesind/ solche geschwinde/ vnnnd
gefährliche Läufl/ souil möglich/ zufliehen/ auch
zuerhüten vnnnd zuwenden/ halten soll/ offent-
lich allhie lassen anschlahen/ mit nachgeschrib-
ner ordenlicher Arzney/ die zū diser zeit dienstlich
seyen: Welche ein yeder nach seinem vermögen/
Er sey Reich oder Arm/ in beyden Apotecken zū
berayten/ vnd mit fleys gemacht/ wayst zuse-
hen. Dabey auch ain vnderricht/ für die gemai-
nen armen Leüt/ wie dieselb Arzney zugebrau-
chen sey: zū was zeyt/ vnd wievil: für Allt vnd
Jung/ von den Doctorñ/ auß beuelch vnser Gnä-
digen vnd gebietenden Herren zc. verordnet ist
wordē. Damit ain yeglicher/ wie gemelt/ nach
seinem

seinem vermögen dieselben zu kaufen/ kein bes
chwer/ klage oder ainichen mangel haben soll.

Vnd ist Erstlich / Hierin vnser ernstliche
mahnung/ vnd gänzliche maynung/ damit die
eüsserlichen züsahl werden abgewendt / daran
dann nit wenig gelegen/ Dass ain yeder/ in sei-
nem Haus/ seinem Gesind schaff/ auch für sich
selbst thue/ damit die säwlung/ vnreinigkeit/ stin-
ckende wasser/ Schwein tod/ Mist/ vnd was
dergleichen mehr vnserberkeit ist/ die zu solcher
vergiftung vñ krankheit vil Menschen fürdert/
nit aufgeschüt/ noch an die Gassen gegossen wer-
de/ Sonder auf das aller säuberst vñ fleissigst/
an ainem sondern ort verwaret/ bis zu geleg-
ner zeyt/ dieselb in die Iser/ täglich mög getra-
gen werden. Auch im Haus/ wo sonderedäm-
pffige/ feuchte/ vbel schmeckende Gemäch/ zu vor
Käller/ oder vbel verwarre haimliche ort seind/
mit Krametbeer/ Lorbeer/ Kramet holtz/ Wey-
rauch/ Kawotten/ Maioran/ Deyolwurtz/ Alant/
Lübstockeln/ Kawchkerzlen oder zältlen/ vnd
Kawchpuluer/ auf den Apotecken/ vnd derglei-
chen/ was ainer will/ täglich vnd offte brauchett
lassen: welches dann den vergifften Luft/ treff-
lich verändert vnd rayniget.

A iij So aber

So aber ainer in seinem Haus/ ainen Platz
oder Hof hette/ darinn soll er / doch mit gütter
verhütung vnd sorg/ damit kein schaden gesche-
he/ ain Feuerlein lassen machen/ von Kramat-
holz/ Eschem/ Aychem / oder Felberem holz/
darein ain handuoll Kramathbeer oder ander
wolriechende ding werffen/ Dañ solche hitz/ nit
allain den Lufft Rectificiert vnd rayniget/ Son-
der auch alles vnzyfer/ als Krotten/ Schlangen/
Mawß/ Fledermawß/ Spinnen vnd dergleichñ/
vertreibt.

Zum andern / Soll sich ain yeder mit
vberschwänglichem Essen vnd Trincken/ füllen-
reyn/ vn̄ was mehr ainem yeden Christenlichen
menschen/ zñ yeder zeyt/ nit gebüret/ als lieb ime
ist/ sein Seel/ vñnd des Leibs gesundthait/ mit
fleyß enthalten/ vnd mit nichte/ in Prassen/ vnd
vberfällung/ sonderlich in solchen zeyten/ leben:
Dann die Mässigkeit vnd Nüchternkeit/ vil mehr
dann Fällerey (wie der gemain Man an vil or-
then vermaint) an dem nutzlichen ist/ vnd zum
höchsten gelobt wirt. Dañ ain solcher Mensch
der in vnordnung lebt/ vil belder vergiffet wirt/
vnd nachmals nit allain jm an seiner Seel vnd
Leib schädlich ist/ Sonder andre gesunde Nach-
bawñ vnd beywohner verderbt. Steht der-
halben

halben einem Christen zu/ das Er sich im an-
fang/von stund an/wann Er spürt oder merckt/
in mit solcher vergiffter tranckhait behafft sein/
(welches dann leychtlich zu erkennen ist) mith
Gott dem Allmächtigen versehe: Dann gemain-
tlich dise zaychen vorlauffen/ als/ vnordenlicher
Frost/ Hitz/ Hauptwehe/ Strawchen/ stechen
inn der Seytten/ schwernuss in allen Gliedern/
vbriger Schlaaf/ züvil wachen/ Durchbruch
des Leybs: oder auch eüsserliche blähe/ vnder
den nüssen/ Ohren/ Hals/ Gemächten/ aussers
halb der Hawt: Oder inn den innerlichen Gly-
dern/ als/ Hyrn/ Lungen/ Herzen/ Lebern/ Mas-
gen/ Gedärmen/ oder anderfwo am Leyb ic.

Somit aber die Gesunden bewaret
werden/ Soll ain yeder/ weñ er auf seinem
hawß geht/ im Mund/ vnter der Zungen/ tra-
gen/ ain wenig Zytwan/ Angelica/ Veyolwurtz/
Alantwurtz/ Liebstöckelnwurtz/ Pimpinelwurtz/
Cytronat/ oder Pomeranzen schelss/ Galgant/
etliche Kramatbeer/ Lorbeer/ Zucker Rosath/
Veyolzucker eingemacht/ Doch dise stuck Mor-
gens nüchter/ vnd ain stund vor dem Nachtesseñ/
zu ainer abwächslung/ stätigs gebrauchen.

Item/

¶ Item/ Es soll ain yeder die Naslöcher mit Rosen/ Zolder/ Kawotten/ oder schlechtem Weinessig/ darinn ain wenig Tyriack gemischet sey/ bestreichen.

¶ Item/ Ein Wermüt wein/ fast bitter getruncken/ ist güt.

¶ Item/ Ein wälsche Nuss/ ain Feygen/ drey Kawottenbletter/ zusammen gestossen/ in Essig eingenommen.

¶ Item/ In ainem gedröweten Bisem apffel/ von Kranwidem holtz/ der wol geläutert sey/ bey jm tragen/ ain schwämlein/ in Rosen/ Zolder/ Kawotten/ oder schlechtem Weinessig gewaschet: oder grühne Kawotten/ inn Mund oder in ainem püschelein/ am Hals tragen.

So ainer aber weyter/ vnnnd kräftiger Arzney haben wolt/ Mag ain allt Mensch/ zu ainer versicherung/ inn acht oder zehen Tagen/ ain quintlein Pestilentz pillulen/ nüchter einnehmen. Die Jungen aber/ den halben thail: darauf zwen Löffel wein/ mit wenig wasser vermischet/ trincken/ darauff drey stund nüchter bey leyben. Item/ Es mag ainer in der Wochen/ auch nüchter nemen/ ain halb quintlin Tyriack/ vnnnd souil Mythridat/ in Wein/ vnnnd darauff schwitzen.

Weyter

Es ist aber zu mercken/ dasß allzeit auff der Seytten/da sich das Zaychen erzaigt/ soll gelassen werden. Darzu soll solches ohne verzug/ es sey früh oder spat/ geschehen. Vnnd man soll allwegen das Blüt/ weyl es schwarz oder grühn ist/ bis es sich vertert/ lauffen lassen.

¶ Nach der Aderläß soll der Kranck/ oder vergiftt Mensch/ ain quint. Tyriack/ oder mehr in Ehrnpreyß/ Scabiosen/ Sawrampffer/ oder schlechtem wasser/ mit Essig vermischet/ nach dem ers haben kan/ einnemen: darauf zum wenigsten vier stund schwitzen/ den schwayß abtrücknen/ vnd bey leyb nit schlaffen. Weyl der Kranck schwitzt/ soll er das Angesicht vnd die Nasen mit vnder der Döcken haben/ damit Er den vergiftten dampff nit inn sich ziehe: Nach dem schwitzen/ soll man dem Krancken stätigs Labung vnd bekräftigung geben/ von Confecten säfften/ Latwergen etc.

Item die Puls vnd Angesicht mit krafft wassern bestreichen/ vnd Hertzwasser vber die Prust legen: Auff die zaichen/ oder aufwendige Pöwlen/ soll man alle fünff stund/ ain pflaster gemacht/ auß Papeln/ Messeln/ Holder vnd Rawten bletter/ zerstoßen/ mit Sawrtaig vnd ain wenig Salz angemacht/ läwlich vberlegen/ das
B ij allt pflast

alle pflaster in ain wasser werffen oder begrä

¶ Item / Darzū ist gelobt / ain ge (ben. *
bratner Zwysel / jnnwendig mit Tyriack gefüllt /
vbergelegt.

¶ Item / Ein junge Lebendige Tawben /
Han oder Hennen / mit dem hyndern stof / auff
das Geschwär / oder zaychen gesetzt / vnnnd den
Schnabel zūgehalten / zeucht das giff an sich.

¶ Item / Weys Liliën wurtz zerstoßen /
vnd vbergelegt / zerreyßt die eüßern Aposten :
in Wein aber gesotten / vnd getruncken / zerbricht
die jnnwendigen / darzū man die Parbierer / nach
gelegenheit der sachen / brauchen mag.

¶ Der Kranck aber / oder vergiffte Mensch /
soll sich hütten vor Wein / allerlay hyzigem ge
würtz / Myrri / vnd dergleichen / Obs / vnnnd rohen
Früchten. Sein speys soll sein / Gersten / Ha
bermüßlein / mit Flaisch brühe gekocht / vnd Ro
sen oder schlechtem Essig. Ein Gersten was
ser soll er trincken / oder Mandel milch / mit Ger
sten wasser außgezogen.


¶ Item / Ein schlecht wasser / oder gesottne
Erbes / oder Zyserbrühe / mit Zucker
rosat / oder eingmachtem Wey
schßelsaft vermischet / ist güt
für Durst vnd Hitz.

Welcher

Welcher aber kräftiger vnd bessere
Arzney vermag zu kausen/ der findet in der Ap-
potecken/ nach aines yeden vermögen/ alles zu-
gericht: Nämlich/ Lebendige wasser/ Prañten-
wein (der sunst in der Gemain zu meyden ist)
Puluer/ Confect/ Triet/ Latwergen/ Syrupen/
Salsen/ Sälte/ Safft/ vnd dergleichen mehr/
da mans wirt finden vmb ain rechte beza-
lung/ nach dem es dan von ainer Ober-
kait/ vnd den Doctorñ Taxiert/
vnd nach dem billichsten
vberschlagen ist
worden.

Nun volget die verzeichnete
figur/ dauon oben ver-
meldet ist.

B iij



Handwritten notes:
 Brust
 21 21
 22 22
 23 23
 24 24
 25 25

Handwritten notes:
 1638
 Juny
 1638

Large handwritten note at the bottom:
 Die Saphena / Die Farnen ader
 1638